



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1848

2167. Kurfürst Johann von Brandenburg vergleicht sich mit dem Fürsten
Georg zu Anhalt wegen des Witthumes, was der Gemahlin des Fürsten, als
verwittweten Markgräfin von Brandenburg angehört, am 24. ...

Nutzungsbedingungen

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

in crafft vnd macht diffes briues vnnnd Begernn darauff von uch vnnsenn liebenn getrewen Otte vnnnd Hannffen von Blumendael obgedacht, ir wollet uch mit den lehn, so ir von dem probst zu Jerichow vnnnd seinem Capittel bissher gehabt, vff verlassung des propsts vnd Capittels an vnd zu dem obgedachten vnnsenn frund, Hern Buffen, Bischoff zu Havelberg, seinen nachkomende Bischoff vnd den Stifft zu Havelberg halden, dinst vnd andere pflicht thun, als wir vnns der billickeit nach zu uch verfehn. Czu urkunth etc. Datum Tangermundt vff die Elbe, am Montag nach den Suntag palmarum, Anno etc. nonagesimo.

Nach dem Sürmärk. Lehnecopialbuche Nr. XXVIII, fol. 36.

2167. Kurfürst Johann von Brandenburg vergleicht sich mit dem Fürsten Georg zu Anhalt wegen des Witthumes, was der Gemahlin des Fürsten, als verwittweteten Markgräfin von Brandenburg angehört, am 24. Mai 1490.

Wir Johans etc. Bekennen vnd thun kunth offentlichen mit diszin vnnsen briue, vor vnns, vnnsen erbenn vnd nachkomenn Marggrauen zu Brandenburg vnnnd sunst vor aller-
meniglich, die in lehn, horen oder lesenn, das wir vnns vff hewt datum mit dem hochge-
borenn vnnsrem Oheim, Rath vnnnd vorweszer der hereschafftenn Crosszenn vnd Cotbus,
hernn Jorgenn, Fursten zu Anhalt vnd Grauen zu Aschanien, als vormunden der
hochgeborenn Fursin, Frawen Agnes weylend Marggraff fridrichs vnnsers vettern
seliger gedechtnus nachgelassenn witwen, des genanten Grauen Jorgenn gemahel, vmb
das ampt Soltwedel mit sampt allen nutzungen vnd zugehorungen auch der helfft des
Czols zu lentzen, Inmassenn der genaanten vnnsen lieben Muhmen Frawen Agnes von
obgenannten vnnsrem lieben vettern Marggraff Fridrichen seliger zu leipgeding vermacht
vnd verschriben ist, gutlichenn vereynet vnd vertragenn habenn, wy hirnach volgt. Zum
erstenn Sol vnns der obgenant Graue Jorg solch Ampt Soltwedel mit dem halbenn zol
zu lentzen von stund einantworten vnd abtretten, dasselbig wir, die weyl vnd er mit seiner
gemahel lebt, behalten, in habenn, geniefsen vnd gebrauchen. Dagegen Sollen vnd wollen
wir obgenannter Marggraff Johans oder vnnsen erben, dem genanten Graue Jorgenn,
als vormunden der genanten seiner gemahel, alle Jar Newn halb hundert gulden Rinisch,
nemlich vffs new Jar Funff hundert vnd vff Osternn darnach virdhalb hundert Rinisch gulden
vberreichenn, gebenn vnd bezalenn on allen irenn schaden vnd hindernutz vnd mit der
erstenn bezalung der V. gulden auffs new Jar nechst nach diszenn dato anheben vnd die
andrenn virdhalbhundert gulden vff Osternn darnach geben, in crafft vnd macht dits briues.
Wer aber sach, das der obgenant herr Jorg vor vnnsen lieben Muhmen versterben wurd,
So Sol alsdann nach seinem versterbenn irer lieb von vnns oder vnnsrenn erben das genant

Ampt Soltwedel mit aller seiner zugehorung vnd nutzung mit dem halben zol zu lenzen, laut irer vermechnus vnd verschreibung, auff's new Jar darnach mit sampt den Funffhundert gulden Rinisch betagten zinszen widervmb eingegebenn, vberantwort vnd ene widerrede abgetretten werdenn vnd Sol der genannten vnser liebenn Muhmen der obgenante vertrag alsdann vnshedlich sein. Czu urkunt etc. Actum Tangermunde, am donerstag nach Exaudi, Anno etc. XC.

Nach dem Kurmärk. Lehn-Copialbuche d. K. Geh. Kab.-Archivs XXVIII, 206.

2168. Kurfürst Johann gestattet dem Fürsten Georg zu Anhalt, dem Zabel Burgstorf 1400 Rhein. Gulden auf das Amt Peitz zu verschreiben und diesen zum Amtmanne daselbst aufzunehmen, am 21. Dez. 1490.

Wir Johans, Churfurst etc. Bekennen mit disem briue vor vns vnd vnser erben, Alldann der hochgeborn vnser lieber Oheim Jorg Furst zu Anhalt vnd Graue zu Achanien, vorweler vnser herschaft Cobus, Crossen etc. vns vmb anligender seiner noth willen ersucht vnd gebeten hat jm zu uergonnen, das er vnsern lieben getrewen zabel Borgstorff auff dem Ampt vnd Slos peycz virczehnhundert gulden, So er jm auff ein widerkauff getan, verschriben vnd darzu zu einem Amptman daselbs aufnehmen mochten, das wir darauff sint bewegt worden vnd angesehen, was dem genanten vnserm Oheim daran gelegen ist, vnd haben jm vergont, das er dem genanten Czabell Borgstorff der gemelten herschaft zu Beicz guter fur XIV^e. gulden zu einem widerkauff verschriben vnd jn zu einem ampt Mann daselbs annehmen mag, doch das er von seins Ampts halben geburlich glubd thun, das jm als einem Amptmann von billickeit wegen zymet, vnd auch mit dem bescheide, wenn wir oder vnser erben dem genanten Graue Jorgen oder seinen nachkomen die genanten herschaft peycz laut vnser verschreybung nach gescheener aufflag wider zu vns bringen werden, soll er vnd sein nachkomen alsdann schuldig sein, dem genanten zabel Borgstorff oder seinen erben die bezalung der XIV^e. gulden von folchem gelt, so wir jm oder vnser erben geben werden, zu thun, als er vns des ein funderlich verschreybung geben hat, damit wir oder vnser nachkomen jn vnserm widerkauff der herschaft peicz vnd seiner zugehorung nach laut vnser widerkaufs ongeirret bleyben. Wir Gonnen vnd erlauben das auch, nach meldung des kaufbriues, so der gemelt vnser Ohm daruber geben hat, jn vnd mit craft dits briues. Zu vrkunt etc. vmb thome jm XC. Jar.

Nach dem Kurm. Lehn-Copialbuche des K. Geh. Kab.-Archivs XXIX, 58.